

Busuknya!

(Tadika 1 Buku Besar 3 'Ayuh, Mandi!')

Gambaran Keseluruhan:

Memperkenalkan Buku Besar 'Ayuh, Mandi!' kepada kanak-kanak menerusi sesi Berinteraksi dan Bercerita.

Matlamat Pembelajaran:

1. mempunyai minat untuk mempelajari Bahasa Melayu
2. membina kemahiran asas bahasa dan literasi

Objektif Pengajaran:

Kanak-kanak akan berpeluang untuk:

1. menyertai kegiatan Bahasa Melayu secara aktif
2. menjawab soalan mudah berdasarkan cerita 'Ayuh, Mandi!' ketika Berinteraksi dan Bercerita

* Aktiviti Induksi

Guru:

- memulangkan topeng harimau yang telah dibuat oleh kanak-kanak pada pelajaran yang lalu
- mengajak kanak-kanak untuk menyanyi lagu 'Bangun Tidur' dengan menggunakan topeng harimau

* Guru memulakan sesi Berinteraksi dan Bercerita bersama kanak-kanak tentang Buku Besar 'Ayuh, Mandi!'





Guru mengajak kanak-kanak menyanyi lagu dengan menggunakan topeng harimau.

#1 Berinteraksi dengan kanak-kanak tentang buku yang dipilih

- Guru menunjukkan Buku Besar 'Ayuh, Mandi!' kepada kanak-kanak.
- Guru mengenalkan buku, tajuk buku, nama penulis dan pelukis.
- Guru mengajak kanak-kanak berbual tentang ilustrasi di kulit buku dan ilustrasi di dalam Buku Besar 'Ayuh, Mandi!'.
- Guru menggunakan soalan-soalan dasar Strategi Berinteraksi dan Bercerita mengikut kesesuaian ilustrasi pada setiap halaman.
- Guru memberikan penekanan atau mengulang sebut perkataan-perkataan yang akan dipelajari oleh kanak-kanak. Contohnya: bersih, kotor, mandi, wangi dan lain-lain lagi.
- Guru tetap menerima respons kanak-kanak walaupun respons tidak selari dengan jalan cerita.

#2 Bercerita dengan menggunakan teknik penceritaan

- Guru membaca tajuk buku serta nama penulis dan pelukis sekali lagi.
- Guru menceritakan ilustrasi di dalam Buku Besar 'Ayuh, Mandi!' kepada kanak-kanak dengan menggunakan teknik drama, intonasi, alat bercerita dan kesan bunyi yang sesuai.



Guru bercerita dengan menggunakan teknik penceritaan.

** Guru tidak perlu mengaitkan jalan cerita dalam Buku Besar yang dipilih.*



#3 Bercerita berdasarkan Buku Besar yang dipilih

- Guru mula bercerita berdasarkan Buku Besar 'Ayuh, Mandi!'.
- Guru boleh mengulang sesi bercerita pada hari-hari selanjutnya.



Guru bercerita dengan merujuk pada Buku Besar.